

PRIMEIRA ORGANIZACIÓN

O Excmo. Concello de Tui, a través da súa Concellería de Educación e Cultura, convoca o Desfile – Concurso de Comparsas & Grupos, que se realizará dentro do marco de actividades do Entroido 2015 na Cidade de Tui, o martes 17 de febreiro ás 17:30h e en caso de suspensión por choiva o sábado 21 de febreiro ás 17:30h.

SEGUNDA INSCRIPCIÓN

As inscricións das Comparsas e Grupos faranse os vindeiros días xoves 29 e venres 30 de xaneiro e o martes 3 de febreiro, no Departamento de Cultura do Excmo. Concello de Tui, en impreso normalizado para este fin, en horario de 10:00h a 14:00h.

Existirá un límite de prazas, de tal xeito que só poderán participar ás 18 primeiras comparsas e os 3 primeiros grupos inscritos, facendo a salvedade de que nunca unha comparsa ou un grupo do Concello de Tui quedará fóra do concurso.

No momento de formalizar a inscrición é obrigatorio a presentación da seguinte documentación, senón non será admitida a solicitude:

- Copia do C.I.F da asociación participante.
- Copia do nomeamento da xunta directiva do libro de actas da asociación.
- Copia do D.N.I do presidente da asociación.
- Certificado de conta bancaria orixinal da asociación, onde especifique o número IBAN da conta.
- Declaración responsable de atoparse ao corrente das obrigas tributarias e da seguridade social, segundo impreso normalizado.
- Declaración responsable da exención do I.V.E., se fóra o caso, segundo impreso normalizado.

TERCEIRA MODALIDADES

COMPARSAS: requírese un mínimo de 25 persoas disfrazadas en conxunto ata un máximo indefinido.

GRUPOS: requírese un mínimo de 12 persoas disfrazadas en conxunto ata un máximo de 20 persoas.

Ámbalas dúas modalidades competirán conxuntamente nas diferentes categorías que levan compensación económica como premio no concurso que rexeen estas Bases.

CUARTA XURADO

O xurado estará formado por membros do Departamento de Cultura da Concellería de Educación e Cultura do Excmo. Concello de Tui, ou en quen delegue, como representantes de asociacións ou entidades do municipio de Tui, así coma cidadáns do noso municipio.

QUINTA CRITERIOS DE VALORACIÓN

O xurado ten liberdade absoluta para xulgar aos participantes nas diferentes modalidades a concursar e, en consecuencia conceder os premios e fixos que avalan estas bases, en todo caso, pode declarar deserto un ou varios premios, así coma, diminuír a contía dos fixos outorgados pola participación, no caso de falta de méritos de valoración claros e específicos, como de dificultade, orixinalidade, ou calidade, así como pola non participación total no Enterro do Bacallau, ou asistencia tardía ao mesmo, ou ao Desfile, ou calquera circunstancia que sexa relevante de penalización.

Terase en conta coma méritos á hora da valoración para optar ao **Premio Xeral: Orixinalidade**(actualidade), **Vestuario, Parodia**(interpretación, sátira, sarcasmo, crítica) **Acompañamento Musical** (música en vivo e animación musical creada) e **Carroza** (ou elementos construídos. [Medidas máximas: altura: 4m – ancho 3m – largo 12m]).

O baremo de puntuación é de 0 a 6 puntos, para o premio xeral, como para os especiais: **Carroza, Acompañamento Musical e Fantasía** (vestuario, coreografía).

Unha vez finalizado o Desfile o Xurado redactará unha Acta de Escrutinio, formalizando os premios outorgados, que lle correspondan a cada comparsa ou grupo por participar no concurso, segundo rexeen estas Bases, como aqueles que puideran quedar desertos.

SEXTA PREMIOS E FIXOS

PREMIOS	XERAL	CARROZAS	A. MUSICAL	FANTASÍA	FIXOS	COMPARSAS TUDENSES	COMPARSAS FORÁNEAS	GRUPOS TUDENSES	GRUPOS FORÁNEOS
1º trofeo +	700 €	400 €	250 €	300 €	CON CARROZA	500 €	250 €	200 €	100 €
2º trofeo +	600 €	300 €	150 €						
3º trofeo +	500 €	250 €	50 €						
4º trofeo +	400 €	200 €							
5º trofeo +	300 €	150 €							
6º trofeo +	200 €	100 €			SEN CARROZA	250 €	125 €	100 €	50 €
7º trofeo +	100 €	50 €							

Segundo a normativa vixente, os premios superiores a 300 € ou a suma de varios, estarán suxeitos a correspondente retención tributaria.

A formalización do pago das contías dos premios será mediante transferencia bancaria, así como os fixos por participación, que ademais estarán suxeitos á presentación da factura correspondente por parte da asociación participante no Departamento de Intervención do Excmo. Concello de Tui.

SÉTIMA PERCORRIDO

A concentración de participantes farase de 15:45h a 17:15h no tramo final da rúa Casal Aboy e rúa A Guarda, accedendo obrigatoriamente pola intersección da Avenida da Concordia coa Rúa Maristas e logo pola rúa Ourense, colocándose en orde para a saída que será ás 17:30h percorrendo un circuito pechado ao tráfico polas rúas Casal Aboy, Compostela, Betanzos, Irmáns Maristas, Ourense e A Guarda (ver mapa anexo), coa **PROHIBICIÓN** expresa de calquera parada.

OITAVA ORDE DE SAÍDA

A orde de saída dos participantes debidamente inscritos asignarase mediante sorteo público, que se realizará o martes 10 de febreiro ás 20:00h no Salón de Sesións do Excmo. Concello de Tui, onde asistirá obrigatoriamente un representante, maior de idade, por cada inscrición realizada, outorgándose un número que deberá levar cada participante nun lugar visible no Desfile – Concurso, como no Enterro do Bacallau, respectando sempre a seguinte orde de saída previa:

1º: comparsas de fantasía - 2º: comparsas sen carroza - 3º comparsas con carroza - 4º comparsas con acompañamento musical - 5º: grupos

A finalización do sorteo é o momento de realizar trocos entre números de participación dentro destes criterios de orde mencionados.

NOVENA ENTERRO DO BACALLAU

Os premios do Desfile – Concurso e os fixos por participación serán aboados sempre e cando os destinatarios destes acudan na súa totalidade e de rigoroso loito, perfectamente identificados e acompañados dos músicos, ao Enterro do Bacallau que se celebrará o domingo 22 de febreiro ás 19:30h dende a Praza de San Fernando, percorrendo as rúas Seixas, Porta da Pía, Ordoñez, Corredoira, con parada no Cantón de Diómedes para realizar o funeral, lendo ou cantando as coplas ao finado Bacallau (entregando copia previa no Dpto. de Cultura o xoves 19 de 10h a 14h), só os grupos ou comparsas que así o desexen (a cara descuberta e 3 persoas máximo), seguindo pola Praza da Inmaculada, Augusto G. Besada, Rúa Ourense e Aparcamento Municipal, onde será a cerimonia do enteiro mediante incineración.

Os gañadores do premio xeral serán os portadores do Bacallau.

DÉCIMA COMUNICACIÓN

Estas Bases serán publicadas o venres 23 de xaneiro de 2015, na páxina web www.concellotui.org, así como serán difundidas a través da Radio Municipal de Tui e nos diferentes medios de comunicación, e estarán a disposición da cidadanía no taboleiro de información no Concello de Tui e no Departamento de Cultura, así como, modelos de inscricións, outros anexos solicitados e mapa do percorrido.